

弘治保定郡志

130.215
1274

1-6

登錄號 50

1 函 6 册

天一閣藏明代方志選刊

保定郡志

一九六六年五月中華書局上
海編輯所據寧波天一閣藏明
弘治刻本景印原書版匡高二
三·五公分寬一五·一公分

重脩保定志序



保定知府章君律以郡志
一編走書徵序蓋前志殘
缺政務之暇偕屬邑涑水
教諭張才輯而成之者也
志凡廿五卷首圖次表圖

志序

著其槩而表書其詳一郡
三州十七縣城郭鄉村風
俗形勝山川人物忠賢節
義開卷瞭然藉是攸攷
古證今可以懲惡勸善誠
有益於治道有補於風化

其用心勤矣古之善為政者非以役志簿書為能而以留心文事為賢所謂儒術飾吏事是也章君舉甲戌進士歷秋官負外出守大郡剴裁繁劇才識超然

用能於民生樂業之餘興舉學政激引士類敦崇化本而又博采聞見增脩是志使文獻足徵垂示有永非賢而能之乎雖然保自召公封國以前為幽冀之

域厥後嬴秦兼併楚漢分
爭隋之慕容唐之祿山皆
嘗竊據其地五代石晉至
割以賂遼宋金構兵迄無
寧歲胡元入主幾為左袵
迨我

聖明繼天出治汎掃腥羶誕
興禮樂遂使幽冀之名區
復為畿甸之樂土斯世斯
民何其幸耶然則郡志之
作非徒紀事雖

帝德王功足以追配唐虞三

代之盛者亦於是而有見
焉覽者其毋忽諸

成化八年歲次壬辰冬十
一月之吉

資政大夫兵部尚書兼翰
林院學士知

制誥

經筵官溥安商輅序

志序

四



保定府新志序

保定古燕趙之地今

畿內郡也所統州三縣十有
七其間故實散見於載籍多
矣然自前代未有彙粹為志
刻以遺後者得非唐末五季
之亂宋金元兵燹之餘文獻

志序

五

落莫而然歟仰惟我

國家定鼎幽薊斯民漸濡

聖化亦已有年禮樂文物大非昔
比夫以

帝畿劇郡又當文盛之時而志弗
修誠缺典也予每惜之欲誌
於牧民者冀有所用意第未

及發焉成化丙戌郡守東吳章侯律由刑部貲外郎來任未幾均徭平賦勸農興學凡百廢弛無不脩舉乃暇日因閱永樂舊志嘆其踈畧謀於僚案欲加纂輯衆咸曰茲盛事誠不可以已者遂召其屬

涑水教諭張才俾任其事仍為商其凡例訂其取舍自地里山川而下以至食貨學校名官人物之類靡不博采詳究芟繁撮要挈綱分目有倫不紊而又總其形勢遠近建置先後分合之故作為圖表

以冠諸首俾覽者便焉凡四十卷由是文采一新事蹟增舊興替可鑑勸戒攸存參之古輿地家良可取焉是舉也非張君用心之篤固不足以成侯之志非侯明於治體知所當務其何能使一郡之事

志序

七

晦於前而顯於後若是哉侯將鉉梓以傳既謁學士商先生為之序復不鄙謂予宜有言予方獲覩成編喜愜素願諾而未復而侯用薦去任久矣至是繼守江夏劉侯觀倅來促文嗟夫保定為郡古今

同此山川也同此景物也然
昔之畧今之詳昔之晦今之
顯是固為

國家文盛之驗亦由表章之有
其人爾語云地因人而勝又
云其人存則其政舉然則繼
是而往使仕于此與生乎此

者觀官蹟而思循良之是承
慕先達而惟賢哲之是勉則
必上有善政之臣下有易治
之民其於

聖化豈無補哉而他日增光是志
又豈不與夫山川景物同一
鏗鉤於天地之間也哉此侯

修志之微意予特表之蓋深
有望於後人云

成化十有一年歲次乙未秋

孟穀日

正議大夫資治尹禮部左侍
郎兼翰林院學士知

制誥脩

志序

九

國史兼

經筵官郡人劉吉書

重脩保定志序

自輕清既闢八卦盪摩剛柔
以成萬有皆有書以紀之也
黃帝畫野分州有國一萬區
帝嚳則創九州以統領之堯
舜遭洪水分為十二州禹會

塗山不期來者萬國越四百
年間成湯受命僅存者三千
餘國他無所見至周猶有千
八百國故周官詔觀事有志
詔地事有圖蓋將使來者有
考也厥後三代丘墟諸侯吞

併秦分為四十郡漢分為十
三州隋復合為一唐分為十
道開元增至十五道宋改為
路元置中書省以統領之其
沿革興廢變遷不一莫不有
書以紀之焉保定地界畿南

首善之地王化所先非窮陬
僻壤可比凡山川土疆職貢
貫利人文風俗城郭戶口尤
勝他州咸所當紀也但恐有
乏謹嚴筆無燕許使雕蟲藻
刻迭見間出而為滄去之核

也烏足以質前聞而詔來裔
乎郡守章侯志在重脩以予
承乏教事命以纂述乃成化
庚寅秋也予承命夙夜戰兢
爬羅抉剔究竟散帙訛者正
畧者備缺者補體倣永陽志

門分彙別詮次成編為卷四
十而圖表不與焉凡一易寒
暑矣壬辰春予宦輒走西川
校文回尤慮是書速成彼有
所短此有所長仍取各州邑
志會而通之重閱傳記旁採

見聞以訂舛訛庶無魚丁虎
乙鼠姑鴉翼之怪書成命予
序諸左予以為纂述之難也
夫以輕清開闢剛柔盪摩以
以來萬千餘年其間山川之
秀拔土疆之離合城郭之沿

革人口之豐耗物產財賦之
以贏以乏不出戶庭一舉目
而萬有畢見矣志豈易為哉
此江文通所以有作志之難
之論也予固陋忘其所難勉
強成帙與四方博古者共覽

以增太山之培塿也其他謹
嚴筆削之旨足以質前啓後
者後之人籍此六有考焉豈
有文獻不足之嘆乎抑亦以
見

皇明版圖之盛足以光前而耀

後也其或滄海遺珠崑山悞
寶仍候後之君子擇取焉是
為序

成化八年歲在壬辰秋九月
吉旦直隸保定府易州涑水
縣儒學教諭餘姚張才書

重脩保定郡志目錄

涑水縣儒學教諭餘姚張才編輯
保定府儒學教授福清楊廷用校正
唐縣儒學教諭開化徐珪重編
祁州儒學學正天彭李用中重校

卷之一

地理 建置沿革 分野
形勝 風俗 疆域

卷之二

城郭

卷之三

橋梁

卷之四

詔令

卷之五

官寺 府州縣治 公館

諸司廨舍

卷之六

志目錄